

黃陂縣志卷之十五

文林郎知黃陂縣事楊廷蘊纂輯

原任監察御史補授縣丞李成紀  
署教諭事舉人邵光祿  
叅訂

藝文志下

詩

文以紀事詩以寫情故三百篇之詩與商盤周誥同列六經雖里巷謳吟之作男女諷歌之辭盡登風雅如茲西陵爲古南國被化之鄉花柳前川莫

黃陂縣志

卷十五

藝文下

乙

不誦程子偶成之句木蘭樂府至今聞將軍出塞之章去古雖遙風流未墜後之名士或留心國計惓惓稼穡之艱難或軫念民依草草勞人之慘淡或興思彼美榛苓山隰爲題或媲美前徽屈宋風騷作祖短什長吟篇連月露要皆各抒藻采鼓吹休明者也敢曰一切浮華無關邑乘而盡棄之也哉今於記序之後凡寫心之什繪景之詞悉擇而誌之異日軒輶戾止詢芻蕘於下邑亦可見陂風之一班矣

木蘭將軍出征見古樂府

唧唧復唧唧木蘭當戶織不聞機杼聲惟聞女嘆息  
問女何所思問女何所憶女亦無所思女亦無所憶  
昨夜見軍帖可汗大點兵兵書十二卷卷卷有爺名  
阿爺無大兒木蘭無長兄願爲市鞍馬從此替爺征  
東市買鞍韉南市買轡頭北市買長鞭旦辭爺娘去  
暮宿黃河邊不聞爺娘喚女聲但聞黃河流水鳴濺  
濺旦辭黃河去暮宿黑山頭不聞爺娘喚女聲但聞  
燕山胡騎鳴啾啾萬里赴戎機關山渡若飛朔氣傳

黃陂縣志

卷十五

藝文

二

金柝寒光照鐵衣將軍北戰死壯士十年歸歸來見  
天子天子坐明堂策勲十二卷賞賜百千鏹可汗問  
所欲木蘭不用尚書郎願馳千里足送兒還故鄉爺  
娘聞女來出郭相扶將阿姊聞妹來當戶理紅妝小  
弟聞姊來磨刀霍霍向豬羊開我東閣門坐我東閣  
牀脫我戰時衣著我舊時裳當窻理雲鬢對鏡帖花  
黃出門看火伴火伴皆驚忙同行十二年不知木蘭  
是女卽雄兔脚撲朔雌兔眼迷離雙兔傍地走安能  
辨我是雄雌

又

木蘭抱糝嗟借問復爲誰欲問所憾憾感激強其頤  
老父隸兵籍氣力日衰耗豈足萬里行有子復尙少  
胡沙沒馬足胡風裂人膚老父舊羸病何以強白扶  
木蘭代父去秣馬備戎行易却綺羅裳洗去鉛粉妝  
馳馬赴軍幕慷慨携干將朝屯雪山下暮宿青海傍  
夜襲燕然虜更携千闐羗將軍得勝歸士卒還故鄉  
父母見木蘭喜極成悲傷木蘭能成父母顏却卸金  
鞬理絲簧昔爲烈女雄今復嬌子客親戚携酒賀父  
黃陂縣志

卷十五

藝文

三

懷木蘭將軍

杜牧之

彎弓征戰作男兒  
蓐裏曾經與畫眉  
幾度思歸還把酒  
拂雲堆上祝明妃

懷木蘭將軍

劉後村

出塞男兒面歸來  
女子身尙能降北虜  
斷不慕東隣

再遊木蘭寺

□ 名 □□□□  
□ 正 □□

二十年前此地遊木蘭花發院初修□今再到經行  
處樹老無花僧白頭

宿木蘭寺

祝世祿

偶現宰官身檐帷此暫停迴塘邊竹徑危石嵌松扃  
鶴聽蓮花漏蟲書貝葉經臥雲分半榻吾亦問惺惺

題木蘭寺

郭正域

丹梯翠殿俯穹蒼萬仞千盤接渺茫山勢欲凌碧落  
近香煙直與紫霄長南瞻鄂渚通王氣北顧中原鎖

黃陂縣志

卷十五

藝文

四

帝鄉爲憶木蘭當日事眼苒誰是鐵衣郎

木蘭將軍歌

張 濤 邑人

木蘭山上青艸發將軍塚裡埋香骨殺氣應隨艷魄  
消真心不向征覓沒憶昔當年聞鼓鼙曾拋機杼逐  
旌旗卽戎非女子市羈有男兒誓把雄心赴金柝鳴  
鞭直抵長城窟寶劍磨殘黑水雲雕弓彎破陰山月  
英雄陣骨幾塵灰十二年來百戰回故園砧杵無人  
怨絕塞征衣好自裁絕塞烟塵一朝掃捷書飛出關  
山道含羞蔡女拍中笳棹臂明妃墳上艸邊艸胡笳

愛窮黎欲使菽粟充海隅想是穹蒼起文學欲使□  
座如聯珠河中嘗出負圖馬千載流傳眞甚寡岐巔  
□見鳳凰儀千年更變如飄瓦胡爲今日天降祥遂  
使休徵傳漢江秬黍連阡成樂歲桂杏交發成奇香  
幸沐太平無限澤喜與元元共醉而徜徉

使事畢將歸甘露喜賦

黃彥士

簡命慙乘使者車楚天北望見吾廬驅馳異俗輕三  
月採摭方言著五書匹馬背看棲越鳥孤帆閒伴晚  
江漁山中蘿薜還無恙古寺清泉賦遂初

黃陂縣志

卷十五

藝文下

七

卜居甘露

結社幽棲已十年買山近得郭東偏青牛定識來人  
氣白鹿應開住客田不問狐狸藏野穴却教神物護  
清泉當時牛耳誰盟主回首韶華倍惘然

遊東山寺

夏廷芝

山色嶙峋四面開無邊清景錦成堆雲林出沒昭前  
代草樹淒迷接魯臺寺隱溪田環綠野碑殘龍篆掩  
蒼苔暫停車蓋日亭午驀見僧從塔外回

魯臺望道

十景

邑令

狄同然

溧陽人

孤亭突兀倚雲岑遙望尼山幾萬尋  
松露垂枝疑振玉篁風送響訝聲  
金芹波綠漾沂川色杏塢紅分闕  
里陰寧獨兩贇瞻望切至今思慕在  
人心

克寨屯軍

黃塵四塞盜縱橫馳逐何人仗義名  
左澤列柵團練密依山植幟指揮明  
不妨織婦還供餉未輟男耕亦典兵  
封豕長蛇芟薙盡至今原野寂無燐

武湖春漲

滉漾春融一鑑湖人傳黃祖戰時圖  
千舸衝浪開萍藻萬戟凝霜雜葦蘆  
日落西陵遙送影風來赤壁疾如呼  
沙鷗洲鷺閒相浴霸業憑誰說有無

灑水冬溫

木蘭山麓浚源深流向東城滙一津  
夜渡呼船常帶月秋波洗練淨無塵  
群鷗出沒寒猶暖積雪消融臘似春  
擬過前川尋樂事東風花柳倏時新

板橋人跡

隍濠數仞起洪濤伐石平堤駕巨橋  
步月芒鞋和露冷乘香蠟履帶霜消  
苔衣封竇青龍沒標柱齊雲白

鶴瑤題字偶逢詞賦客金門持獻未爲遙

鐵鎖龍升

寒煙百尺古城西神物何年借此棲夜月揚髻森似  
戟春濤起蟄振如鼙冥飛鐵柱空留鎖幻出瓊泉漸  
作谿我欲乞靈消旱魃豢龍今已屬鯨鯢

釣臺夜月

石瞪千盤纍一丘雲根翻動瀉源流烟籠碧蘚疑春  
曉月浸澄潭若素秋仙去遺踪空有筮人來野鹿亦  
同遊應憐昔日垂綸者起佐三分有二州

黃陂縣志

卷十五

藝文下

九

西寺曉鐘

雞鳴曙色動城闐野寺踈鐘送遠聲霜月幾敲春夢  
斷家山千里旅魂驚煙籠慧照禪燈細霧散雲花佛  
供新吏事笑人成鞅掌摳衣幾欲問三生

木蘭聳翠

玉筍嶙峋聳碧霄良工停筆未曾插烟籠了髻春偏  
媚青似佛頭晚更饒尺五斗魁看漸近尋常太華望  
非遙簿書銷盡攀躋興愁見巖桃兩度天

甘露呈祥

盡洗妖氛日月明萬方從此頌昇平金莖綴乳秋光  
老仙掌承珠夜氣清味入**佛**飴香醴淡膩沾翅足亂  
蠅鳴詞臣若獻河清頌愿此同傳異瑞名

朝陽洞

吳惇寬 邑人

選勝何時事朝陽自昔傳空中山作地險處石爲天  
細路危峯上殘僧破衲邊吾家茅茨近來徃已年年

西寺曉鐘

陳壽 邑人

寂寞琳宮曉未開蒲牢初喚五更回樓延朝爽蒼蛟  
起響送晨風白鶴來楚客乍驚長樂夢粧娥忙貼壽

黃陂縣志

卷十五

藝文下

十

陽梅閣黎已飯歸蘭院碧玉應須擬漢臺

板橋人跡

仙翁拋屨定何年漫滅溪邊石半殘華表乍棲人已  
遠飛虹欲渡馬猶難身騎蒼兕天留舄足踏青龍跡  
未刊長伴橋頭楊柳色年年春拂玉闌干

甘露呈祥

何時垂得山頭露今日猶傳露未晞嶂霧曉滋春爛  
熳岩花晴繞寺菲薇魯臺色借標丹鳳楚澤烟深上  
翠微間說有祥能瑞世自麟赤鳳與同歸

魯臺雙鳳

當年衰鳳狂歌楚重□雙棲入楚關吾道不緣今古  
異斯文只是弟兄間□輕入柳尋顏樂雲淡開亭見  
魯山天地幾番星物□望中彩羽向誰攀

釣臺夜月

金波一拭曙光生野□□射斗平天半曉星虛夜  
白臺前素影弄沙晴□潭晃映嚴陵餌淺瀨鈎探合  
浦明怪殺蟾蜍長不晚朝朝七寶燦河精

木蘭聳翠

黃陂縣志

卷十五

藝文下

十乙

岿嶷雙柱睇層巔萬□千盤絡石泉雲幕自天還自  
地晴空如黛復如煙樓開木末和星落檻繞湖光入  
鏡懸最是展簾看不足齊州九點一泓邊

灑水冬溫

野渡□盈泊岸長靈□分派虫名鄉未應降坎噓春  
氣一人微波盪小陽□比溫泉臨漢水何如驪阜幸  
秦皇黃頭若問桓南□涕灑西屬酒莫嘗

武湖煙漲

平湖氣靄鬱層霄七□□分入海潮望裏有天塵漠

漠雲中看樹影寥寥濤喧萬焉金戈震壘捲三江玉  
帳遙賺得將軍渾好武千年鸚賦憾難消

### 鐵鎖龍潭

斷碣荒零古堞前  
竭來長老舊相傳  
花盟鍊樹知何日  
水鎖巫支不記年  
影閉空潭探月冷  
春深九地抱龍眠  
伏波銅柱終陳蹟  
特與西風扇暮煙

### 木蘭歌

陳天策  
宜興人

我聞木蘭一女子  
代父從軍不惜死  
女也男乎誰得知  
六尺龍蛇乃如此  
泣辭爺妹列戎行  
甘苦親同士

### 黃陂縣志

#### 卷十五

藝文下

十二

卒嘗羽插御林天  
可汗鐵衣敢畏征  
途長一十二年  
戰場裏仗劍鳴弦  
銳無比陰山壘築  
韓夫人瀚海軍  
開李娘子陣勢旌  
旗塞弗絕忽走啣  
枚風斷舌黃沙  
綠海排飛濤馬隊  
殘春踏冬雪日落  
還營南望歌聲  
聲怨殺渡黃河黃  
河一渡遠膝下翻  
使親悲女枕戈  
捷書一旦露章上  
天子咨嗟穰偉壯  
列名賜賞懸通  
侯木蘭但乞歸無  
恙玉門生入自古  
稀凱旋聯轡搃  
鼉鼙死生音耗久  
不一舉家覲面看  
如迷將軍丰采  
號英特忽改紅粧  
另一格都頭健兒  
各自嗟何爲同

□殊阡陌蛾眉燕額原截如木蘭一轍同與徐從此  
不敢量巾幗還笑男兒讀父書

同署諸子久約同登魯臺清明呂竟未過拉兀  
坐荒庵賦此

風吹寒食散輕煙吳國人來望魯巔末隊好隨門立  
雪千秋恰近午開天柳眉桃面予心外燕語鶯啼雙  
鳳前可是偷閒年少事不教白髮共尋川

木蘭聳翠

木蘭曾住木蘭岬山並人傳各擅奇晴樹不隨天塞

黃陂縣志

卷十五

藝文下

十三

沒烟嵐疑壓陣雲垂瀉流日夜黃河塹壁插春秋青  
塚碑每上古城遙一睡半身時露淡蛾眉

木蘭聳翠

史夏隆

宜興人

峻嶒秀出久超羣樂府何人著令聞一渡黃河迷紫  
塞獨留蒼嶺認紅裙高林別有孤飛鵠絕頂時生變  
態雲但結山緣堪寄跡莫將勝事付從軍

拜木蘭祠

屠

達

南蘭人

躍馬揮戈絕域還角巾歸第舊婣娟十年長劔倚天  
外一日紅粧拜膝前城號夫人應並烈谷名孝子竟

誰賢岩岩山色堪千古不用丹青磨關傳

祠在半山頗湫隘喟然賦此

丹崖碧嶂爲誰雄天挺奇姿孝與忠山本木蘭貞女  
蹟俗傳天竺梵王宮佞睂菩薩紅妝樣弩目金剛劍  
俠同爭似將軍遺烈在至今壯氣滿崆峒

過釣臺

曾傳垂釣寄寒汀一片清光映客星江氣向人原自  
碧月魂連樹不知青虛無不減琉璃域咫尺如臨白  
玉屏何事羊裘漢男子鼯聲猶入故人聽

黃陂縣志

卷十五

藝文下

十四

晚眺木蘭山

周

塗

蘭陵人

憑高遠眺木蘭峰黛簇層巒夜氣空半壁山光凝暮  
紫滿林秋色染霜紅當年孝烈昭雲漢此地英名凜  
朔風不道閨中裙布女也能跨馬壯軍容

西寺曉鐘

臥聽城隅古寺鐘聲敲斷五更風長隨玉漏催寒  
夜每促晨星散碧空茅店月明鷄唱白小園花發鳥  
啼紅羈人千里歸家夢攪亂蒲牢百八中

釣臺夜月

趙

鏞

江陰人

片石巋然臨曲岸綠簑夜靜釣江臯溪魚吞吐爭香  
餌沙鳥浮沉逐小舸新月一鈎搖碧浪踈星數點浴  
寒濤爲思昔日垂綸者翻笑雲臺徒自勞

步理趣林

偶鼓登臨興因過理趣林馬嘶池畔柳鳩喚隴頭雲  
竹暗流清潤松風拂午薰酒帘花外舞買醉採香芹

晚望木蘭

木蘭聳出一高峯古寺蒼茫望欲空孝行不磨苔石  
碧丹心難泯夕陽紅鐘聲隱隱來寒岫鴉陣踈踈逐

黃陂縣志

卷十五

藝文下

十五

晚風當日立功青海外至今猶說女英雄

花柳前川

劉振鐸

武進人

溪流西繞自郊東花柳千行映碧空老卉經春還冉  
冉輕烟何地不融融穿林燕雀時窺客過水蜻蜓緩  
趨風矯首乾坤原浩蕩前川亦與舞雩同

武湖烟漲

武湖自古號芳洲春漲桃花靜不流夾岸斜陽千樹  
合叢林細雨萬家浮光搖蘅杜迷歸雁天入蒹葭隱  
釣舟聞道樓船曾習戰煙波愁絕漢宮秋

不蘭聳翠

壁立孤峯楚水西，削成飛岫與雲齊。  
青收衡嶽晴嵐迥，翠壓匡廬衆壑低。  
遠樹有時啣夕照，暗泉何處落深谿。  
登臨却望關山月，巾幘當年事鼓鼙。

板橋仙跡

仙人遺跡傍城隅，曲逕橋頭水一區。  
盡日潺湲流可漱，多年苔蘚石堪呼。  
來朝葉令鳧飛動，出世安期鳥有無。  
豈是赤松曾進履，夜深明月照陰符。

釣臺夜月

黃陂縣志

卷十五 藝文下

十六

當年垂釣意何如，敢謂投竿獨在魚。  
一自臺臨清渚穩，至今月動白沙虛。  
雲鬢照水寒逾靜，仙襪淩波濕更徐。  
此夜江臯應鼓枻，好歌漁父弔三閭。

西寺曉鐘

背郭招提翠幾重，數聲疎越五更鐘。  
清傳絕壑生虛壁，風送空潭起蟄龍。  
夜半寒山仍鼓棹，曉烟長樂正鳴琮。  
聽來自是關深省，那更寥天有斷鴻。

甘露呈祥

何年耳露下西陵，野老猶能說異徵。  
絢草亦隨天口

合流膏應爲聖朝凝瓊漿不信過三島金掌空勞築  
萬層獨有文園多病客還將封禪祝升恒

灑水冬温

楚江東去灑溪頭傳道三冬異衆流鷗狎碧湍還泛  
泛魚吹細浪故悠悠春風先到温泉殿朔雪常青青  
草洲聖世太和渾未遠西陵今日是成周

花柳前川

聞 政  
晉陵人

平溪日出曉光浮柳色依依拂渡舟祠外鳥聲迎過  
客山前花片撲輕裘偷閒偶展觀春眼乘興時看戲  
黃陂縣志

卷十五

藝文下

十七

水鷗程子長歸遺跡在隔沙綠暗酒家樓

武湖烟漲

曉駕扁舟過武湖蓬窓遙望憶雄圖景升事業空沙  
島黃祖兵戈冷荻蘆水長夜來魚潑刺烟籠江口樹  
模糊漁人放艇春波上誰問當年劉與吳

灑水冬温

灑水漪漪清且漣蜿蜒遙與漢江連掠波翡翠穿風  
溜鼓翅鷗鷁拍浪顛春日可茶同惠水霜天堪浴擬  
温泉漁舟搖漾蘆業乘欸乃聲拖渡口烟

板橋人跡

閒來挈伴出城墉  
城下平橋有古踪  
隻履半歸天  
外雙鳧獨印石  
痕中深溪隱隱寒  
青繞殘蘚班班嫩  
綠封華表月  
明人不返  
千年長伴木蘭鐘

西寺曉鐘

犬吠春星別院清  
隔林西畔曉鐘鳴  
聲隨落月出蕭  
寺響逐輕風  
入楚城  
斗帳羈人清夢斷  
瑣窓久客亂  
愁生敲殘午夜征  
車動宿鳥頻驚樹  
色明

釣臺夜月

黃陂縣志

卷十五 藝文下

十八

尺沉波底漾空明  
夜靜風收水面平  
沙鳥淺隨漁艇  
泛溪魚戲逐釣絲  
輕磯頭石轉殘雲  
影渡口寒催落  
雁聲聞道高人曾  
隱此至今臺冷不  
留名

木蘭聳翠

突兀奇峰霄漢間  
相傳千古木蘭山  
翠流斷壁烟生  
石綠染虬松雲掩  
關嶺後一聲清磬  
動天邊  
幾點暮鴉還將軍  
去後無消息  
弱柳春來弄小蠻

□露呈祥

臯臯晴絲春日遲  
優游策蹇過橫陂  
烟棲石徑苔痕

滑雲出松門山色奇甘露當年曾降瑞都人今日尚  
題詩遐思仙掌銅人事漢武英明亦近痴

武湖烟漲

張世祐 邑人

爭傳黃祖戰平湖四面烟埋猛士驅青草遙看天一  
色碧雲初布水齊鋪沙鷗夢泛漁翁晚洲鷺機忘行  
路孤聞道野燐多夜泣至今霸業倩誰圖

木蘭聳翠

天柱撐雲北帝遊斷崖蒼嶺古松楸碧霄霧捲虬龍  
出紫殿烟含豹尾收瀑布朝飛千壑小嵐光夕照萬

黃陂縣志

卷十五 藝文下

十九

山幽丈人石應登封禪幾度看花到上頭

西寺曉鐘

向古

更殘知喚是誰麼聲斷風中可柰何半入寒空雲影  
瘦欲醒曉夢月痕多滄桑不改唐追蠡心耳遙通海  
普陀試整危襟閒裏聽居然天籟下恒河

木蘭聳翠

何年勝結此危巒行到山頭放眼寬削出天峰雲外  
插染成黛色囿中看紫霄如見生真武青塚何曾死  
木蘭憑弔將軍悲愴遠烟嵐依舊劍光寒

板橋人跡

仙舄何年化鶴飛千秋足跡尙依稀自歸島嶼遺芒履再到人間認釣磯古店黃雲移遠岼荒城白浪洗斜暉板橋片石曾無恙說向君平事甚微

甘露呈祥

聖朝原不尙祥禎甘露何由釀結成自有民心流玉液不勞仙掌置金莖兒童飽嚙黃農飯長吏貪聽社蜡笙古道自然還國史山山鋤雨種香秔

木蘭山晚誰

丘起龍

武進人

黃陂縣志

卷十五

藝文下

二十

努力到山巔雲歸已暮天憑風疑出世倚樹欲登仙怪石凌青嶼奇花染紫烟將軍坟上草春後又芊芊

遊木蘭山

聞政

崎嶇上木蘭險徑曲如蟠覆石青流袂懸崖秀歷口細泉穿洞冷老樹傍春寒倦後僧房坐看雲過別巒

題木蘭祠

黑水彎弓十二年歸來東閣舊嬋娟青山無恙口至遠野鳥空林叫暮烟

西寺曉鐘

邑令

楊廷口口口

夢盼如何打不開蒲牢那得肯心灰照殘淡月辭更  
去送慣長風破早來豈有一言教頂禮只須幾下儘  
悲哀寒雞此際俱知醒誰戀盧生枕未回

釣臺夜月

□裘猶恐近沽名兀坐孤身一笠輕石徑樵穿開野  
照波紋牽動漾新晴針敲釋子鈎還直珠弄仙人水  
正清便是上弦垂釣影魚曾識慣不知驚

板橋仙跡

□人何日學凌波可有芒鞋踏破麼曾記踞橋黃石

黃陂縣志

卷十五

藝文下

二乙

空難憑噴水白驢過步虛聲逐人無影脚赤泥穿石  
不磨翻怪仙踪徒一到不曾畧睡併留簑

灑水冬温

□禿山荒黯舊津柴扉悄扃遶河濬何方騷客思烹  
□此地漁人日網鱗片石温泉原勝酒古王澤國亦  
如春波臣冰骨腸仍熱應與三閭作比隣

武湖烟漲

天河高瀉一湖平特與荆南洗甲兵雲列旌旗懷赤  
壁煙開鎖鑰壯方城江湖還聽漁叢老風雪偏供鷗

夢清最愛晚霞剛幾點晴光萬頃霎時橫

甘露呈祥

聖世真無雨露私蘂珠續和醴泉詩瑞開古院雲霞  
護恩到南荒草木知味結半天香瑪瑙色垂五采吉  
琉璃仙人金掌遺譏久講學先生泛瀝卮

木蘭聳翠

屏列層霄可摘星其誰不朽此山靈黛看空起初唐  
畫點灑橫來甘露清公主將軍原磊落留侯處女可  
娉婷千年石老無班固余勒燕然此地銘

黃陂縣志

卷十五

藝文下

二二

花柳前川

雲過風迴思冷然令人彷彿淡輕天關河眼裏鄒齊  
路詩禮庭中伊洛篇山下院深馴鹿洞川邊樹隱捕  
魚船經年道岸迷荒草此日人登詠誕先

木蘭聳翠

楊三湘

武進人

兩度□幽上木蘭碧雲片片過前巒長歌樂府峯頭  
上猶憶將軍劔氣寒

釣臺夜月

苔封孤石枕沙邊夜靜閒鷗夢紫烟明月一鈎清淺

□釣絲牽破水中天

武湖烟漲

水漲湖頭曉霧橫  
拍波鷓鴣弄春晴  
不知黃祖冷何在  
鸚鵡洲前憶正平

甘露呈祥

風靜空林夜氣清  
松風習七吼濤聲  
當年甘露垂珠玉  
山到于今擅美名

板橋人跡

聞道仙人曾過此  
遺踪彷彿印平橋  
摩娑鳧履青苔

黃陂縣志

卷十五

藝文下

二二三

老豈是王喬去早朝

西寺曉鐘

竹閣春深夢未醒  
木蘭鐘響動晨聽  
數聲清越傳空際  
敲落銀河萬點星

花柳前川

整襟敬謁程夫子  
因步前川看綠楊  
雩鳳不歸雲自淡  
輕風還送落花香

灑水冬溫

百川冬日盡寒凝  
灑口融融水氣溫  
南北漁人咸罷